

REMONSTRANCE
 AV TRES-CHRESTIEN
 Roy de France & de Nauarre
 HENRY IIII.

SVR LA REFORMATION
*necessaire, & ja ordonnee par sa Majesté
 estre faite en l'Ordre saint Benoit.*

PAR FRERE ISAYE IAVNAY
 General dudict Ordre, estably en France
 suiuant les Ordonnances Royaux.



A PARIS,
 De l'Imprimerie de RENE' GIFFART, de
 meurant ruë de la grande Bretonnerie,
 près la porte S. Iacques.

M. DC. XIV.

Cataloged
as part 2
of next
pamphlet



AV ROY,



IRE,

Ma charge m'ayant fait voir à l'œil le fac & la desolation de ce iadis grand Ordre de S. Benoist, souuentes fois m'est venu en memoire le reproche que fait dans le tragique ce grād Hercule à toute la terre, laquelle ayant purgée de ses monstres, deliurée de ses tyrans par luy battus & abatus, & rendu par sa valeur vne paix generale par toute son estenduë, voyāt qu'il ne restoit plus en ceste grande campagne de champ à sa vertu, en alla chercher en vn second monde, de la conqueste duquel ainsy qu'il retournoit plus glorieux que iamais pour faire part de sa gloire & de tant de despoüilles à toute sa maison, l'ayant trouuée toute saccagée, la femme en pleurs, ses enfans en chartre, ses parens esgorgez, sa famille captiue, tout son estar renuersé: plein d'un iuste courroux, & tout indigné d'une ingratitude si grande de tous les humains, qu'il s'estoit obligé par tant de bienfaits, il commence à s'escrier:

*O les peuples ingrats, à qui la main d'Hercule
Après auoir donné vie & liberté
Ont laissé saccager sa maison, sa cité:
Comment! nul n'y accourt! ils font à qui recule!*

A ij

*Seneca
en Hercule
furent.*

m Chron.
Cas. l. 3. c.
33.
n Volater
Arth. l. 23.
o Triterm.
l. 2. c. 89 de
viris illust.
p Hier. Ru-
beus l. 5. hi.
Tawan. à
Beda l. 3. c.
11 hi. Ang.
b Triter. l. 3
c. 131.
c Triterm.
e Magde.
cent. 8. c. 2.
col. 20. d.
Io. Magn.
l. 1. de Epif.
ypial.
c Eneas
Syl. c. 19.
Io. Dubra-
vius. l. 6.
f P. Dam.
c. 17. in Ro-
mual.
g Crantz.
in Sax. l. 6
h Cratepo.
de ep. Ger.
i Beda hist.
Ang. l. 3. c.
28.
k Crantz.
in Sax. l. 2.
c. 25.
l. Marty-
rol. Rom.
i Beda hist.

C'est, Sire, le reproche que faisoit aux provinces
Chrestiennes, particulièrement à vostre France, ce
grand Patriarche des moynes & religieux, nostre
pere S. Benoit, avant que vostre Majesté eust ten-
du à la royalle la main de sa bonté & le bras de son
appuy à ses pauvres enfans, & à toute sa famille, plus
travaillée, combattue, & renuersée en vostre Royau-
me très-Chrestien, que ne furent oncques les He-
brieux dás le paganisme d'Égypte. Car ce que iadis
les fables ont donné à leur Hercule, la Chrestienté
a recogneu le tenir de ce grand pere son vray Her-
cule, & de sa famille, puisque c'est luy qui a com-
batu & abbatu les monstres de l'heresie, l'impieté
du Paganisme, le nuage de l'ignorance, la vilanie du
vice: c'est luy qui a mis en routte les Sacramentaires
Berangers par ses enfans les m Alberiques & Lant-
franques, & par ses n Bernards les Adynamistes, &
pour taire vne longue tire de semblables exploits
c'est luy qui par ses o Humberts a ramené au giron
de l'Eglise les Grecs schismatiques, comme les Mila-
nois par ses p Pierres Damiás, & pacifié l'Empire par
ses Calixtes seconds: C'est luy qui a chrestienné les
Saxons par son disciple a Euualde, les Franconiens
par b Chilian, les Noruegiens par Nicolas Anglois,
les Alemans & Frisons par c Boniface, les Suisses par
son d Estienne, les Bohemiés, Hungres, & Polonnois
par e les Adalberts & Benoists, les Huns, Russiens &
Esclauons par f Boniface, les Prusiens & Litvaniens
par g Bruno, les Brabançons, Flamands, & Gascons
par h son saint Amand, les Anglois par ses Augu-
stins, les Holandois par i Vuilfride, les Gots, Danois,
& autres Septentrionaux par k Ansgare & Vuimo,
les Sarmates par l Otto, tous ses enfans & Religieux
vrayement Benedictins & benists du pere celeste

dont ils ioüissent aux Cieux, reclamez & adorez en terre en ces contrées & pays de leurs saintes cōquestes qui portēt aussi loing que les bornes mesmes de la Chrestienté; le champ de laquelle cōme fil n'eust esté assez estendu pour la quarriere de leurs saints esclans, & zeles sacrez, apres en auoir rendu paisible Seigneur le Sauueur du monde, & y auoir laissé par tout des monasteres comme autant de forts & garnisons pour le tenir pour iamais a sa deuotiō, ils sont allez chercher de nouueaux mondes cōme des vray Hercules, pour nouueau sujet d'exercer leur valeur, faire nouuelles conquestes sous l'estendart de la Croix & la banniere de leur bon pere. Ce fut lors que ce grand Archeuesque Benedictin Patriarche des Indes, & Vice-gerant du chef de l'Eglise, Dom Bueil le dueil des Anges de tenebres sous ces deux estandarts, apres auoir trauerse tant de mers, penetré tant d'abismes, leur presenta le premier le duel dans nos Antipodes, le nouueau monde de l'Amerique, & leur donna vne telle secousse, que les ayant deboutez des aduenues de ces terres neuues dans le fond de leurs cachots, il a le premier fait la planche a plusieurs saints Religieux, qui de tous ordres s'y sont depuis passez. Que pensez-vous, Sire, que diroit ce grand vray saint Hercule retourné d'une telle conqueste, entreprise au peril de son sang avec tant de travaux pour le seul bien de tout le Christianisme, & apres la gloire de son Dieu, au grand honneur des Princes Chrestiens, lesquels pour toute recompense d'auoir ouuert tant d'abismes de mers, comme de portes Caspiennes pour y passer leur nom & renom dans ces vastes prouinces, qui auparauant se bornoit dans les lisieres de l'Europe, luy auroiēt laissé sa maison en degast, sa famille bouleuersee, ses chers con-

Ang.
P. Ciez
Legion. 2.
par. hist.
indica. En-
mus l. 1. c. 2
hist. indic.

freres tous ruinez, ayans à peine les yeux de reste a-
pres tât de larmes ruiselées, pour les jeter aux cieux
dans le sein de leur pere, puis que la terre les a aban-
donnez? Ha! il me semble voir quād & luy ce grand
pere saint Benoist sainctement choleré d'une si gran-
de outrage, arraisonner tous les humains qui luy fu-
rent iadis ramassez en terre sous vn rayon diuin,
comme pour luy rendre hommaige, & le recognoi-
stre tous par anticipation leur futur Hercule, en soy
& en ses enfans: il me semble dy-ie que ie luy oy fai-
re à toute la terre les mesmes reproches, que Iesus-
Christ iadis à ce furieux Saul qui deschiroit ses mē-
bres & son petit troupeau, luy criant du milieu de
l'air où il estoit descendu pour ouir de plus pres les
pleurs de ses enfans, & renuerser la rage de leur per-
secuteur: Saul, Saul, pourquoy me persecutes-tu?
Mais escoutez la voix (humains) de ce grand pere,
voicy ce qu'il vous dit; O humains, si toutesfois hu-
mains, puis que vous pouuez regarder sans larmes,
le grand bassin tout tary & mis à sec de ceste viue
source iadis coulant par tout le monde, qui vous a
tant de temps si doucemēt abreueez: Peuples où est
la recognoissance que vous deuez aux quinze mille
escriuains tous portans maliuree pour tout bonnet
& chapperon doctoral, qui par leurs langues & plu-
mes vous ont coulé en l'ame vn si doux nectar d'une
doctrine Catholique, qui vous seruoit d'un lait de
nourriture & d'un antidote tout ensemble comme
d'un Amethyste pour vous garrer & preseruer de
l'heresie & de l'idolatrie? Noblesse & Cheualiers, no-
tamment vous autres François, qui vous a enseigné
de vous armer pour la querelle de Iesus Christ contre
les infideles, de passer les mers sous vos Philippes
& Augustes, & sous vos saints: Loys combattre les

Gregorius
Dial. l. 4.

r Illescas
phys. Trit.
& alij.

f Plutar.
tra. de leg.
Poët.

t Balfor.

Soultans, souz vos u Godefrois faire reluire & arborer les armès de France sur les plus hautes tours de la saincte Cité, vous faisans Roys & seigneurs paisibles de la terre Saincte; sinon ce grand Pape Urbain second mon Religieux, suiuy par ceux-cy mes enfans les Cheualiers de S. Iean de Hierusalé, les Georgiens, les Templiers, les Cheualiers del'ordre de Calatraue; del'ordre de la Mercy, les Montesiens, les Alcatariës, les Cheualiers de S. Estienne leuez x & armez par Cosme de Medicis, tous vrais Benedictins, & marchans sous ma banniere?

*l. 2. c. 13.
hist. Fr.
u Idem l. 3.
hist. Fran.
& Guel.
Tyrius de
Bello sacro.*

*x Volater.
l. 2. An-
throp.*

Empereurs, Roys, Princes, & Seigneurs, quel ras de couronnes de vos predecesseurs en chascun Royaume, ay-ie veuës amoncelées à mes pieds, pour l'eschange desquelles caduques & passageres ils en possèdent vne celeste, infinie, & eternelle, ayant esté establis des vostres & de vos personnes les gardiens tutelaires? Je voy d'un costé z vingt & vne Couronnes d'Empereurs, & cinq de plus d'Emperieres tant du Ponant que du Leuant; d'autre costé quarante huit Sceptres d'autant de grands Roys & puissants Monarques, suiuis de cinquante quatre Royhes & un nombre sans nombre de Ducs, Comtes & Seigneurs, qui tous en mon habit leur font escorte honorable, comme des astres tres-brillants à des beaux Soleils. Que vous diray-ie, Prelats, avec toute modestie, & reuerence de vos sacres, que le grand saint Martin le Parangon des Apostres, & la perle du sacerdoce, voyant mes enfans marcher à milliers crosse & mitre iusques à quatre mille Euesques, mil six cens Archeuesques, deux cens Cardinaux, cinquante Patriarches, & pour le comble de dignité vingt & cinq Papes, & Collonnels de tout le Christianisme, tous marchans en ma

*z De Mol.
l. 1. c. 32.
partis pri-
ma de nob
Hispan.*

liuree dont ils se teñoient honorez : Brief voyant qu'il auoit au Ciel pour compagnons de gloire quarante quatre mil & vingt cinq des miens tous re-clamez, & canônisez en terre, tous escripts au liure de vie, tous vous assistans de leurs prieres, & soulageâs de leurs merites, il aïoint ses enfâns aux miens, pour estre adoptez à ma famille, pour estre faits miens iusques à prendre mon nom.

Psalm. 160.

*Plinius l.
35 c. 9. hist.
Nat. Tul-
lius de O-
ratore. l. 3.*

C'est ainsi (Sire) que ce grand & glorieux Patriarche, en peu de mots; (puis que Dieu mesmes n'a parlé qu'une fois selon le dire du Prophete, & psalmiste Royal) a ramenteu à tous les estats des Chrestiens l'obligation qu'ils ont à sa famille, sans specifier & discourir par le menu, quelles lumieres son Ordre a portées en toutes sciences, arts, & disciplines; qui ont esté les maistresses sources, & fons originaux, desquels tous les suiuañs & modernes ont humé à longs traictz l'eau de leur suffisance. Ce que ie desduirois volontiers, si i'osois estendre & commenter le Laconisme de ce grand pere, auquel ie ne dois entreprendre y adiouster du mié non plus qu'à la Venus d'Appelles, ou aux harengues de Lysie: parce que i'aurois besoing d'escrire vn monde de volumes pour historier des millions de personnages, qui par leurs personnes, faicts, & merites, ont remply le monde; comme aussi que vostre Majesté, pleine & longue en effects, & courte en paroles, ne se plaist à ouyr langager. Passant donc soubz silence les rares perfections de tant de grands hommes & peres Benedictins, soubz l'esperance que i'ay de les voir renaistre en leurs enfâns soubz vostre regne (Sire) en vostre Royaume tres-Chrestien, afin de les représenter tous vifs, & animez en eux; comme iadis à Rome la troupe Troyenne à vostre Majesté, pour luy rendre

rendre grace de sa ressource, & faire offre de son service, ie descendray à vostre France comme vicaire : quoy qu'indigne, delegué de ce grand pere à qui l'estat glorieux n'a permis s'y abbaïsser en personne, quittant les Cieux. Et parce que ie viens porter ceste remontrance aux piedz de vostre Majesté, estat sorti de ce grand Monastere de Marmoutier, honoré de son sacre, comme il a esté basti par le premier Moyne de l'Occident, en antiquité & en dignité le premier du Levant, & de toute l'Eglise : aussi il fera planche & entrée à mon discours, pour dire à vostre France qu'elle a veu son Clouis, son premier Roy Chrestien, aussi-tost honorer ce grand Religieux en son floc, qu'adorer son Seigneur Iesus-Christ en sa Croix. Ce fut soubz le bon-heur & le merite de ces deux estandars, qu'il entreprint les Visigots Ariens pour la gloire de son Seigneur, à la tres-Chrestienne & à la Françoisse, pour la grandeur de son estat. Et comme jadis ce grand Iosué Colonel des enfans d'Israël, vid tomber sans canons les murs & rampars del'inuincible Hierico, au son allant des seules trompettes sacerdotales : Aussi ce grand Roy des Chrestiens, (puis que iadis les infidelles soubz le nom de François comprenoient tous Chrestiens) vid tomber d'eux mesmes les murs d'Angoulême, assise entre les fleuves d'Engenie & Charente à la voix & prieres de ce Religieux, duquel auparavant il estoit allé visiter & adorer les sacrées Reliques, avec toute son armée, qui ne les eut si tost baïssées qu'il se vid exaucé, ayant non seulement obtenu l'assistance & sauuegarde du saint, mais aussi l'assurance de sa victoire, oyant tout à l'instant chanter comme deguet à pens, *Seigneur tu m'as équipé de valeur à la guerre, & as renuersé mes ennemis soubz*

Iosué 6.

Bels. l. i. c. 2.

10. hist. Fr.

Psal. 17.

Ado Vien.

du Chant.

moy. Cegrand Roy fut chrestiené & conuerty à la
 foy par sa femme Clotilde, qui finit puis après sain-
 ctement ses iours religieusement en ce mesme Mo-
 nasterie : ce qui a peu occasionner les François de
 fier l'huile sacrée de la sainte Ampouille pour le Sa-
 cre de leurs Roys, entre les mains des moynes à S.
 Remy de Rheims, puisque ces grands Monarques
 tenoient du Monaquat la foy du Christianisme, qui
 leur a donné droict à la Couronne des cieux : C'est
 dans ce Monasterie de Benedictins que se sacrent ces
 grands Roys par vn saint augure & sacré presage
 qu'ils viennent benis de Dieu cōme d'un Sanctuaire,
 & du Saint des saints pour regner sur la gēt sainte, le
 peuple François, voire mesme que la fureur des trou-
 bles ou plustost des enfers, ayant enuié à ceste mai-
 son Benedictine le sacre de vostre Majesté, si n'a elle
 peu tant faire d'enleuer cet hōneur aux Benedictins
 que Dieu a maintenus contre tous ses efforts à vne si
 digne possession, faisant tomber ce droict par deu-
 lu cōme à l'extraordinaire au maistre Monasterie &
 plus grand de S. Benoist, car ainsi s'appelle celuy qe
 Mair-Moustier, soit qu'on le tire de ces mots, *Ma-
 ins Monasterium*, soit qu'on le prenne de ceux-cy,
Martini monasteriū puisque c'est le louure monasti-
 que de ce grand S. Martin le Roy des Religieux; c'est
 Sire, ce maistre monasterie qui a eu ce bon-
 heur de voir sacrer en son sein du chresme de sa S. Ampouille
 vn maistre Roy François : monasterie en cela plus
 heureux que ce Grec a Demarath^o qui porta sa vieil-
 lesse iusques en Perse pour auoir le contentement de
 pleurer de ioye voyāt son Alexandre dans le throsne
 de Darius, car comme ce b grand Alexandre de pe-
 tits compagnons faisoit des Alexandres. Aussi le bon
 heur du sacre de vostre Majesté fait par le S. chresme

*a Pluta. in
 Alexan.*

*b idem ibi-
 dem.*

de ce monastere l'a tellement fuiuy qu'il se trouue
maintenant le chef de la Congregatiō, esleuée sous
vostre Sceptre en la persōne d'un moindre religieux.
C'est ainsi, Sire, que vostre Majesté a rendu à cet
Ordre la primatie qu'elle a procuré à vos predeces-
seurs sur tous les Roys du monde: car c'est cet ordre
qui vous a à tous acquis en la personne de Charle-
magne le tiltre de tres-Chrestien & fils aîné de
l'Eglise, qu'il receut le beau premier de vos ancestres
de la recognoissance du Pape Adrian qu'il remit en
son siege contre l'effort de Didier Roy Lombard qui
l'en auoit chassé: ce fut Alcuin digne Benedictin pre-
cepteur de ce grand Roy qui luy mit l'esperon au
flanc pour courir vne si belle lice, d'où il remporta
ce nom glorieux qui vous precipue & priuilegie d'v-
ne desmarche d'honneur deuant tous les Roys Chre-
stiés, & ce qui n'est pas à taire: vostre Frâce s'est trou-
uee de tant honorée & tellement remplie de ceste be-
nediction que comme en qualiré de Roy fils aîné
de l'Eglise, vostre Majesté deuace tous les Roys, aussi
vostre Cluny en qualiré de maistresse Congregation
de ce grand Ordre Benedictin precede toutes les au-
tres comme portant ce tiltre de fille aînée du siege
Apostolique. C'est ainsi, Sire, que la famille de S. Be-
noist a donné à vostre courōne vne benedictiō tou-
te pleine & entiere, qui luy a aussi esté tresamplemēt
recogneue & reciproquee par vos predecesseurs. Car
c'est entre les mains des nostres que ce grand Dago-
bert mit en depost la sauue-garde de son sceptre, les
corps des saincts tutelaires de la France l'Apostre S.
Denis & ses compaghons, c'est és mains de ces cō-
freres nostres, qu'avez fié la garde de vos sceptres &
couronne suiuant l'exemple de vos deuanciers: c'est
dans leurs cœurs, & le chœur de leur Eglise comme

c Belfor.

l. 2. c. 7. hi.

Franc.

Trit. de vi.

ris illust.

Ben.

Belfor. in

Carol.

Mag.

d Belf. l. 1.

hist. Franc.

c Plinius l.

36. c. 5 hist.

Nat.

f Belf. i.

l. c. 24 hist. dans vn sepulchre pudique & animé de leur Royn
Franc. Arthemylia que ces Mausoles ont laissé leurs corps,

& fait leur Maussolées: comme aussi estoit-il bien
 feant que ces Benedictins à la mort se nantissent des
 corps de ceux desquels pendant leur vie ils auoient
 eue cœur. Ce sont ceux-la au tesmoignage de vos
 chroniques anciennes, à qui vos predecesseurs don-
 noient par an, quatre pieces d'or, & les premières
 maisons du Royaume quatre deniers, pour reco-
 gnoissance de tenir la Couronne & toute leur gran-
 deur des sacrez martyrs, commis à leur garde; com-
 me iadis la sauuegarde fatale de l'Empire Romain à
 la veille des Vestalles, & ce par l'ordonnance de ce
 grand Empereur entre nos Roys Charlemagne, le
 premier de l'Occident, homologuée & verifiée par
 tous les estats du Royaume, pour ce presens & aisé-

g Epistob.
Prut. de
Paris. lan-
de & alij.

blez à S. Denys en France: Ce fut la recompense dōt
 ce puissant Monarque recogneur les Benedictins,
 pour auoir receu d'eux ces deux beaux fleurons du
 monde, sa fille aînée l'Vniuersité de Paris, & celle de
 Pauie, de la premiere desquelles Alcuin son prece-
 pteur, avec Clement son confrere furent les fonda-
 teurs & premiers docteurs, & Iean Scot leur compa-
 gnon de celle de Pauie: où ils enseignoient outre
 les lettres humaines, & la Philosophie, la sainte
 Theologie, qu'ils auoient apprise de ceste lumiere
 admirable, tant de l'Eglise que des Benedictins, Be-
 de le venerable Docteur-professeur en l'Vniuersité
 d'Oxone, instituee en l'Angleterre, & continuee par
 eux, qui l'auoient chrestiennee. Les Monasteres de
 ce grand Ordre estoient autāt de Seminaires de pie-
 té, & de lettres en toutes professions, où ces ieunes
 ames Chrestiennes, notamment les enfans de vostre
 Noblesse, & des Roys vos deuanciers, succoïēt tous

h Polidor
l. 5.

rendre le lait de vertu, la douceur de pieté, & l'eau de sapience. C'estoit à Treues où les enfans des Dagoberts seconds, pour taire les autres, estoient nourris en religion, y apprenans à bien obeyr, & se commander eux mesmes, pour puis apres dignement commander aux François. Aussi estoit-ce de nos Monasteres que les Roys vos ancestres tiroient les Abbez pour vice-Roys & Regens en France, pour leur fier le Royaume comme aux plus dignes, & plus feaux gardiens de tout leur estat. Ainsi Loys le Jeune voyageant outre mer, laissa Regent en France ce grand Suger Abbé de saint Denys, & cet Auguste saint Loys (Sire) l'honneur de vostre race, & la perle des Roys, retournant à la terre sainte au secours des Chrestiens, laissa Matthieu de Vendosme, Abbé de saint Denys pour Regent du Royaume! Ha (Sire) en cecy vray enfant de ce grand pere, noble fleuron d'un si beau tige, ie vous confesseray avecques larmes autant douces, qu'amerres, que la premiere fois que j'eus l'heur & l'honneur de toucher & tenir l'asyle de vos genoux, & la franchise de vostre sauvegarde, où m'auoient contrainct & ietté comme vne pauvre perdrix galoppee par l'oyseau, ceux qui me deuoient tenir la main à releuer un si grand Ordre, qui s'est tant obligé tous & chaque estats de vostre France, & de la Chrestienté: autant de creue-cœur que j'auois de leur mesconnoissance & mauuaise volonté que cognoissez assez, autat de ioye & de consolation, ressentis-ie pour lors, que vostre Majesté tendant les bras à nostre petitesse & à nos confreres daigna nous dire en ces mots deuant son Loure en la face de sa Cour: *Mes peres, soyez les bien venus, ie favoriseray tousiours vostre sainte entrepri- se, gardeZ seulement de vous en lasser: car quant à*

i Belfor.
l. i. c. 44.
hist. Franc.

k Belfor.
hist. Franc.
c. 153

l Idem. l. 4.
c. 22. hist.
Franc.

moy ie ne m'y laisseray iamais.

Ha, Sire, le clair & pur bassin d'une viue fontaine, ne rafraischit si doucement le cerf couru par les veneurs & redu aux abois, come le miel de ces paroles adoucit mes ennuis, & me remit l'ame: car c'estoient des paroles qui sortoient du fond d'un cœur Royal, plein d'humanité, prononcees d'une bouche pleine de verité, & suivie d'une main heureusement puissante, & puissamment heureuse en tout ce qu'elle entreprend. De sorte que ie comencay à esperer par elle encorcs en nos tēps, la restauration de ce iadis grand ordre, qui n'auoit peu iusques alors rencontrer un digne entrepreneur d'un si grand ouurage, non plus que la Venus seulement esbauchee, & non perfectionnée du grand peintre Apelles. Ce faisant, Sire, vous releuerez les iadis magasins, & greniers communs des souffreteux de vostre peuple: come un Philippe Auguste, & un vray Conquerant, vous redresserez les escolles publiques, où vostre Noblesse apprendra l'obeyssance qu'elle vous doit, pour puis apres la pratiquer où daignerez l'employer, quand elle en sortira: & celle qui s'y arrestera, soulagera d'autant les maisons appauuries de toute vostre noblesse, sans charge de conscience, à leur grand descharge à la gloire de Dieu qu'ils seruiron avec honneur, faisant iour & nuict office de Moysē, qui prioit sur la montaigne, lors que Iosué & les Hebreux combattoient pour la terre Sainte. C'est ainsi que vostre Maiesté appaisera la fureur de Dieu, iustement irrité, de tant de desbauches, & scandales d'un tas de faux freres, & meschans moynes, monstres plustost de religion, qu'enfans d'un si bon pere: car elle n'ignore pas si qu'un seul peché des enfans de Hely grad Prestre des Hebreux, fit perdre l'Arche d'alliance, qui

Plinius l.

35. c. 9.

Nat. hist.

Belf. l. 3.

c. 68. hist.

Fraxc.

Regū c. 4.

seruit de iouët aux peuples idolatres, apres qu'ils eurent mis en route toute l'armee d'Israël, & au fil de l'espee. C'est ainsi que vous recognoistrez les merites & bien-faicts, de tant & si grands peres, és personnes de leurs enfans, en les relevant de vostre Royale main, tous renuersez par tant de bourrasques, orages & tempestes: comme ce grand Cesar *Plutar. in Cesare.* les statues des Pōpées. Aussi ce seront des Aduocats deuant Dieu, des sauue-gardes & patrons que vostre majesté saquera à millions, pour la conseruation & felicité, tant de vostre Couronne, que de vostre personne, de la Royne vostre chere épouse, & Monseigneur le Dauphin, qui les receuera pour bons & assurez tuteurs. Je croy qu'ils n'oublieront mes seigneurs les Commissaires, deputez à ceste tasche par vostre Maiesté dont ils s'acquittent avec tant de zele & de sincerité: comme aussi nos seigneurs de vostre grand Conseil, avec tant de Iustice & d'integrité, qu'une partie de la recompense, qu'en attend vostre Maiesté aux Cieux, ne leur sera desniée, ny de l'honneur en terre de vous y auoir fidellement seruy. J'en prie le Createur, ce grand Patriarche nostre pere commun, & tous ses enfans glorieux, **SIRE**, d'autant d'affection que ie suis pour iamais,

*Le plus humble, plus obéissant, &
plus fidelle seruiteur, sujet, &
Orateur de vostre Majesté,
Frere ISAYE LAVNAY.*

[The text on this page is extremely faint and illegible due to fading and bleed-through from the reverse side. It appears to be a continuous block of text, possibly a letter or a page from a manuscript.]

ADVIS
A MESSIEURS
DES ESTATS.

*Pour restablir l'Ordre de saint Benoist
en France.*

Aucc
VNE REMONSTRANCE
faicte au feu Roy Henry III.
sur la reformation de l'Ordre
de saint Benoist.



A PARIS;
De l'Imprimerie de RENE' GIFFART, de-
meurant rue de la grande Bretonnerie,
pres la porte S. Iacques.

M. DC. XIV.

1874

23rd Nov 1874

1874

1874

1874

1874

1874

1874

1874

1874

1874

1874

A D V I S A MESSIEVRS DES ESTATS.

Pour reſtablir l'ordre de S. Benoist en France.

L ſeroit conuenable pour le bien & honneur del'Egliſe, & de l'Eſtat de France, y reſtablir le mēbre hierarchique des Abbez reguliers; & ne laiſſer ſans teſte tāt de corps d'Abbayes; tant d'orphelins ſans peres, tant de brebis ſans Paſteur, tant de corps éteſtez ne ſe peuuēt voir ſans horreur, ny tant d'Orphelins ſans larmes? Que ſi on ne le peut, ou on ne le veut autrement, au moins que la veuē des merites de leurs Peres anceſtres, & des pieuſes intentions de leurs fondateurs, oblige maintenant Meſſieurs des Eſtats à leur procurer des Arches de ſalut, pour y viure & mourir ſelon leur ſainct Eſtat.

Aduis. I.

Raiſon de l'aduiſ I.

POur y paruenir, il conuiendroit faire vne partition en fōnd du reuenu des Abbez, & des Religieux.

Cette partition mettroit fin à vne continuelle guerre & mangerie de proceſ entre les Abbez & les Religieux.

A ij

II.

En faisant ceste partition, on pourroit donner vn tiers aux Religieux pour leur total entretenemēt; & l'autre tiers aux mesmes Religieux pour acquitter toutes les charges des monasteres (sauf aux Religieux qui n'y voudroient entendre de se tenir à l'estat & partition qu'ils ont) l'autre tiers se lairoit aux Abbez, franc & net de routes charges sinon des decimes & de l'entretienement de leurs lieux Abbaciaux sās qu'ils peussent cy-apres rien prétendre sur les biens, personnes & appartenâces des Religieux qu'ils lairoient en toutes les franchises & immunitiez des Ordres reformez.

III.

Ceste partition faite il seroit bon d'vnir à la Menſe commune des Religieux, partie des Prieurez qui dependēt des principaux Monasteres, avec les tiltres & revenus de tous les offices clauſtraux dont les titulaires pourroiet jōiyr leur vie durant, ſans pouuoir les reſi-

Raiſon du II.

Ces charges ſont, l'entreenemēt & reparations des baſtimens, l'ameublemēt de tous les lieux reguliers, notamment de l'Egliſe en ornemens, liures, & luminaires, les aumosnes ordinaires & extraordinaires, la reception des hoſtes paſſants, notamment des Preſtres & confreres Religieux, les fraïs des infirmeries, des Chapitres Generaux, des viſitations, & un tas de ſemblables deuoirs, où il y vad vn monde de deſpenſe que les Religieux feroient plus librement & plus fidellement pour le bien & honneur de leurs maiſons que les Commandataires.

Raiſon du III.

En croiſſant de reuenir la Menſe cōmune des Religieux on accroiſtroit auſſi leur nombre, pour faire l'office diuin, & toutes leſdites charges avec plus d'honneur & de luſtre: & ſi on feroit garder aux Religieux leur vœu de pauvrete, en leur oſtant avec la propriete les armes de re-

gner ou laisser à personne,
qu'à ladite communauté.

IIII.

La partition faicte & l'union accordée on pourroit seulement mettre le temporel des Religieux avec ses appartenances, & toute la Iurisdiction spirituelle, es mains de pieux & sçauants Religieux qui viuroiēt punctuellement selon leur sainte reigle, & la rigueur precise de la lettre pour establir en France vne non feinte, mais sainte & digne Congregation, comme est celle qui a desia commencé aux Abbayes de la ville de Verdun, à celles de Toul, de Limoges de Beau-lieu, & autres villes de France, où vn chacun l'appelle & desire.

V.

On ne cōtraindrait pourtant à ladite reforme ceux qui ne pourroient, ou ne voudroient l'embrasser, mais

bellions, & moyens de desbauches.

Raison du IIIII.

Encores que ceste congregation de Benedictins aye d'autres maisons en Lorraine, frâche-Comté, & Allemagne, toutefois les Religieux d'icelle sont presque tous François, & des pl^s doctes et pieux qu'enfissions en ce Royaume, d'où ils s'y sont refugiez pour y viure en la pratique qu'elle fait non seulement de la perfection monastique, mais aussi des sciences & bonnes lettres, de Rhetorique, Philosophie, Theologie & langues, qu'ils enseignent en plusieurs de leurs maisons, sans en exclure mesme les ieu-nes enfans Benedictins qui ne prennent l'estroit de leur reforme, lesquels ils façonnent tout doucement, & tout ensemble à la pieté & aux bōnes lettres afin qu'ils soient vn iour en ce Royaume des dignes supports d'une sçauante & sainte Congregation.

Raison du V.

Il est impossible de faire vn party plus aduantageux à ceux qui ne voudroient prendre la reforme, car en les exē-

on les lairroit pleinement iouir leur vie durant (cōme dir est) de leurs Prieurez, offices, prebandes, vestiaires & autres appartenāces quelconques, hors toutesfois le pourpris des quatre lieux reguliers, de peur qu'ils n'y troublassent le cours de la reforme, à laquelle ils ne feroient astraincts si bon ne leur sēbloit; pourueu qu'ils vesqueussent honestement separez des reformez dans le grand enclos du monastere sous l'obeissance de leur ancien, ou de celuy qu'ils auoient esleu.

VI.

Et pour auoir des Religieux reformez, & de quoy les entretenir sans toucher au reuenu des Abbez ny à celuy des Religieux non reformez, on pourroit ramasser dans vn ou plusieurs principaux Monasteres & seminaires de chaque Province tous ceux qui voudroient y viure selon la reforme, y faisant suivre & apporter pour leur entretènement tout le bien & reuenu qu'ils receuoient aux mona-

ptant de tous deuoirs on les laisse en leur pleine liberté & iouyssance de tous leurs biens, aysez, & volonteꝝ, osté le crime & le scandalle, afin que ceste grande douceur leur amolisse le cœur, sinon pour viure, au moins pour mourir vn iour en vrays Religieux & en esperance chacun de son salut. Iointꝝ que l'experience a monstré cy-deuant que ceux qu'on a voulu contraindre à la reforme, s'en sont empirez, au grand interest de leurs ames, des biēs de leurs maisons, de l'honneur de leur habit, & au scandalle du public.

Raison du VI.

Cet expediant est tiré avec les precedents du Pape Clement huitiesme, grand amateur & pere special des François, en sa Bulle ou rescrit du 7. Octobre 1596. adressant à Monseigneur le Cardinal de Florence, lors son Legat en France: & ce en suite d'une autre Bulle, adressee au parauāt à Monseigneur le Cardinal de Sourdis, & à Monseigneur l'Abbé de sainte Geneuiefue de Paris, que ledict Seigneur Cardinal de Sour-

steres d'où ils seroient tirez, & y renuoyant à leurs places (si besoin estoit) les non reformez, lesquels ny là, ny ailleurs ne pourroient recevoir ny Nouices ny autres pour y tenir places de Religieux. Ce qui seroit loisible seulement aux reformez, & qu'ils feroient à mesure que les nō reformez viendroient à deceder pour réplir en bref toutes les places & Monasteres de France de saincts & sçauants Moynes.

dis, qui l'en auoit fulmince & executée à l'instance des Peres Benedictins. Partant MESSIEURS, Attendite ad Petram de qua præcisi estis. Attendite ad Abraham Patrem vestrum; suiuant l'aduis, le zele & l'entreprise d'un si grand & bon Pape, à la reforme tant glorieuse & profitable d'un si iadis grand Ordre.

VII.

Et parce que les bonnes loix & reiglemens se font en vain, si n'y a personnes qualifiees, puissantes & zeleees qui les fassent obseruer, Messieurs les Cardinaux & Prelats sont nommement suppliez de presenter d'entr'eux des Commissaires à sa Majesté, pour faire executer ces articles, ou autres qu'elle aura aggréé à la fin que dessus, pour la gloire de Dieu, pour le salut des ames bien & honneur du Royaume.

